

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 418202 22 St
Tuzla, 12.10.2023. godine

OPĆINSKI SUD U TUZLI, stečajni sudija Vedran Milašinović, u stečajnom postupku nad imovinom društva „PROGRES“ d.o.o. fabrika termoplasta, Kladanj ul. Vitalj 1, nakon provedenog stečajnog postupka donio je dana 12.10.2023. godine slijedeće

RJEŠENJE

ZAKLJUČUJE SE stečajni postupak nad imovinom dužnika „PROGRES“ d.o.o. fabrika termoplasta, Kladanj ul. Vitalj 1, matični registarski broj 1-356, ID 4209464310003, broj računa 5550530004864590 kod Nova banka a.d. Banja Luka, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama FBiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama FBiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

Obrazloženje

Rješenjem broj: 32 0 St 418202 22 St od dana 07.06.2022. godine otvoren je stečajni postupak nad imovinom dužnika „PROGRES“ d.o.o. Kladanj, fabrika termoplasta, ul. Vitalj 1.

Stečajni upravnik je podneskom od dana 11.04.2023. godine obavijestio sud da je sva imovina stečajnog dužnika unovčena, da je preostalo podnošenje izvještaja o provedenom stečaju, podnošenje završnog računa, te je stečajni upravnik prijavio nedostatak stečajne mase za podmirenje troškova stečajnog postupka.

Dana 17.04.2023. godine sud je donio rješenje kojim je zakazao skupštinu povjerilaca za dan 10.05.2023. godine u 10,00 sati, a kojim je predviđeno da se održi posebno ispitno ročište na kojem će se stečajni upravnik izjasniti o zaprimljenim prijavama, nakon čega će biti održano izvještajno ročište radi podnošenja izvještaja o provedenom stečaju i završnom računu, te će se raspravljati o prijavi nedostatka stečajne mase.

Navedeno rješenje je dostavljeno stečajnim povjeriocima, te je objavljeno u Službenim novinama FBiH broj: 30/23 od 26.04.2023. godine, na oglasnoj ploči suda, web stranici suda i internet stranici FIA-e.

Dana 24.04.2023. godine stečajni upravnik je dostavio izvještaj o provedenom stečaju, završni račun i prijavu nedostatka stečajne mase. U izvještaju je detaljno opisan tok stečajnog postupka sa podacima o unovčenoj imovini i sredstvima ostvarenim unovčenjem. Vrijednost imovine stečajnog dužnika je bila procjenjena na ukupan iznos od 506.627,49 KM, a nakon provedenih prodaja unovčeno je 217.165,13 KM, od čega u korist stečajne mase iznos od 31.539,29 KM i u korist razlučnih povjerilaca iznos od 185.625,84 KM. Prema priznatim razlučnim pravima, razlučni povjerilac Čamdžić Komerc d.o.o. Kladanj je namiren u iznosu od 68.526,84 KM po osnovu kompenzacije, dok će po osnovu uplata biti namireni ostali razlučni povjerioci i to Porezna uprava FBiH u iznosu od 43.854,07 KM, Federalni zavod PIO u iznosu od 64.018,16 KM, Imširović Ibrahim u iznosu od 827,68 KM i Čamdžić Komerc d.o.o. Kladanj u iznosu od 8.399,10 KM (na osnovu uplata ukupan iznos od 117.099,00 KM). Troškovi stečajnog postupka na dan 12.04.2023. godine su iznosili 58.601,16 KM,

od čega je plaćeno 18.953,66 KM, dok je neplaćeno 39.647,50 KM. Na računu su se nalazila novčana sredstva u iznosu od 156.746,60 KM, od čega se različnim povjericima ima isplatiti iznos od 117.099,00 KM, dok su do tada nastali a neplaćeni troškovi iznosili 39.647,50 KM, tako da će troškovi djelimično biti isplaćeni iz raspoloživih novčanih sredstava na računu stečajnog dužnika, dok će dio troškova zbog nedostatka stečajne mase ostati neplaćen i to na teret naknade stečajnom upravniku u iznosu od cca 5.000,00 KM, dok takođe obaveze stečajne mase iznose 8.500,00 KM i odnose se na obavezu prema predlagачu za uplaćeni predujam za prethodni stečajni postupak i stečajni postupak, tako da nedostatak stečajne mase sa junom 2023. godine iznosi 13.500,00 KM.

Dana 10.05.2023. godine održana je skupština povjericilaca povodom izvještaja stečajnog upravnika (izvještajno ročište), na kojoj je stečajni upravnik prema prethodno izloženom stanju predložio u konačnici predložio zaključenje stečajnog postupka zbog nedostatka stečajne mase, dok je skupština jednoglasno usvojila izvještaj o ekonomskom stanju stečajnog dužnika i prijedlog za zaključenje stečajnog postupka zbog nedostatka stečajne mase.

Podneskom od dana 25.09.2023. godine stečajni upravnik je obavijestio sud da je na ime namirenja različitih povjericilaca uplatio u korist Porezne uprave FBiH iznos od 43.854,07 KM, Federalni zavod PIO iznos od 64.018,16 KM, Imširović Ibrahim iznos od 827,68 KM i Čamdžić Komerc d.o.o. Kladanj iznos od 8.399,10 KM, te da je kod Porezne uprave, Porezna ispostava Kladanj i Federalnog zavoda za PIO/MIO, KAS Tuzla izvršeno popunjavanje obrazaca M4 i P-MIP kako bi navedene institucije mogle ispravno evidentirati uplate prema vrsti prihoda.

Odredbama člana 196 Zakona o stečaju (Objavljeno u "Sl. novine FBiH", br. 53 od 07 jula 2021) je propisano da ako se nakon otvaranja stečajnog postupka ispostavi da stečajna masa nije dovoljna za pokriće troškova stečajnog postupka, stečajni sudija će zaključiti postupak (stav 1), stečajni postupak se ne zaključuje ako se predujmi dovoljan novčani iznos (stav 2), a na postupak zaključenja stečajnog postupka primjenjuju se članovi 60 i 102 ovog zakona (stav 3).

Odredbama člana 102 Zakona o stečaju je propisano da ako imovina stečajnog dužnika ne pokriva troškove postupka, a prijedlog je dopušten i osnovan, stečajni sudija će javnim pozivom, objavljenim na oglasnoj tabli suda, web stranici suda - elektronskoj tabli suda i u "Službenim novinama Federacije BiH", pozvati povjeriоce i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka, u iznosu koji odredi stečajni sudija (stav 7), a ako u roku iz stava 7 ovog člana povjeriоci i zainteresirana lica ne predlože otvaranje stečajnog postupka i ne uplate predujam, stečajni sudija će otvoriti stečajni postupak i odmah zaključiti postupak (stav 8).

Imajući u vidu prijavu nedostatka stečajne mase, sud je rješenjem od 10.05.2023. godine pozvao povjeriоce i sva zainteresovana lica da u roku od 30 (trideset) dana od dana objave ovog rješenja u „Službenim novinama FBiH“, uplate iznos od 13.500,00 KM na ime predujma za pokriće troškova vođenja ovog stečajnog postupka, te da dokaz o uplati dostave sudu, uz upozorenje da ukoliko niko od pozvanih ne uplati navedeni iznos u ostavljenom roku i dokaz o uplati ne dostavi sudu, sud će zaključiti stečajni postupak.

Navedeno rješenje je objavljeno na oglasnoj ploči ovog suda i web stranici suda-elektronskoj tabli suda, kao i u "Službenim novinama FBiH" broj 38/23 dana 24.05.2023. godine.

U ostavljenom roku, a niti do dana donošenja ovog rješenja, niko od pozvanih nije dostavio dokaz o uplati sredstava na ime predujma za pokriće troškova vođenja ovog stečajnog postupka u skladu sa rješenjem od 10.05.2023. godine.

Slijedom svega navedenog, a temeljem odredbe člana 196 stav 1 Zakona o stečaju, u vezi sa odredbama člana 196 stav 3 i člana 102 stav 8 istog zakona, sud je donio odluku kao u izreci ovog rješenja.

Temeljem odredbe člana 196 stav 3 i člana 102 stav 8 Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreznoj upravi FBiH i Upravi za indirektno oporezivanje BiH.

Nadalje, temeljem odredbe člana 204 stav 1 i 3, a u vezi sa odredbom člana 190 stav 10 Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama FBiH te dostaviti za FIA, dok je odredbom člana 204 stav 2 istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama FBiH.

Odluka o brisanju pravnog lica iz javnih registara temelji se na odredbi člana 204 stav 5 Zakona o stečaju.

Na osnovu odredbe člana 206 stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

STEČAJNI SUDIJA
Vedran Milašinović

Pouka o pravnom lijeku:

Protiv ovog rješenja je dozvoljeno izjaviti žalbu Kantonalnom sudu u Tuzli, koja se podnosi putem Općinskog suda u Tuzli, najkasnije u roku od osam dana počev od isteka petog radnog dana od dana objavljivanja rješenja u Sl. novinama FBiH.